

V c
2003



2 QM. 22 (13)

V c
2003

Warhafftige erze-

lung der Beschicht / was sich
Hertzog Henrich von Braunschweigs / vnd
seiner anhangenden Gesellschaft halben / dieses
gegenwertigen Jars zugetragen / daraus zuse-
hen vnd zuspüren ist / wie Gott der Allmechtige
furnemlich / in dieser sach gewaltet / vnd Hertzog
Henrichen von Braunschweig vnd seinem Krie-
gesvolck jr hertz vnd gemüt genommen / vnd
dem Landgrauen vnd seinen mit
verwandten Sieg gege-
ben hat.



MD XLVI

Di.

BIBLIOTHECA
PONICKAVIANA

UNIVERSITÄTS-BIBLIOTHEK
HALLE
(SAALE)



Es hat einer /
der sich nennet Chri-
stoffer von Wriesberg / dem
Landgrauen zu Hessen / erst-
lich zu Giessen / auff sein Fürst-
lichen Gnaden frage / bey seinen Edelmanns ehren
zugefagt / er sey in keinem bewerbe / Als aber bald
darnach der Landgraff ist innen worden / das
Wriesberg in einem bewerb gewesen / vnd des ei-
nen glaublichen Brieff bekommen / hat er nach
Wriesbergen trachten / vnd inen verstricken la-
ssen / der auch auff ein geleid / das er solt einen
eid thun / die warheit zusagen / vmb alles das
man inen fragen würde / vngeserlich vierzeh-
tag nach Pfingsten zu Cassel ankommen ist / Dem
nach hat sich auff gethanen eid / gedachter
Wriesberg zu Cassel entschuldigen wollen / in
bey wesen etlicher Fürsten / Fürsten Räte / Stet-
bottschaft / vnd anderer vom Adel / vnd sonst /
nemlich das sein bewerb der Königlichen Maie-
stat zu Franckreich / vnd nicht wider die protes-
tierende Stende / oder S. F. G. den Landgra-
uen gelte / mit grosser bedeworung / wo er Herz-
zog Denrichen von Braunschweig diene / so
solt er fur keinen ehrlichen Man gehalten wer-
den / vnd der Landgrau solt im dem Kopff ab-
hawen lassen.

2 ij Dat

Dat auch gesagt / wenn sein handel angehe / so wolt ers dem Landgrauen zu Hessen anzeigen / mit vielen mehrten Worten / wie das der Actus vnd handlung so zu Cassel beschehen ist / ausweist.

Darnach hat Wriesberg des Landgrauen Rat / Herman von der Malsburg / folgend dem Landgrauen selbst / Hertzog Ernsten von Lüneburg / vnd Stathalter vnd Raten zu Wolffenbutel / geschrieben / der zeit da er Reutter vnd Knecht angenommen / dieser handel solt nicht sein / wider den Churfürsten zu Sachsen / oder den Landgrauen zu Hessen / oder ire Land vnd Leut. Item / er erkenne Hertzog Heinrichen von Braunschweig für keinen Herrn des Hauffens etc. Der Landgrau solt sich derwegen in keinen vergeblichen vntosten stecken / Reutter vnd Knecht passieren lassen .

Desgleichen hat Herbort von Langen / dem Landgrauen geschrieben / solch Wriesbergs bewerb / seie nicht Hertzog Heinrichs handel / wie das dieser beider schriften weiter ausweisen.

Aber des alles vnangesehen / da sie den hauffen erst im Stiffte Verden versamlet / vnd da dann in das Land zu Hadeln / gezogen / vnd iren willen ausgericht / haben sie Hertzog Heinrich den hauffen schweren lassen / Vnd ist demnach Hertzog Heinrich mit funffzehen hundert oder mehr pferden / vnd acht tausent Knechten / erstlich

lich nach dem Kottenberg im Stiffte Bremen ge-
zogen / in meinung des Bischoffs von Bremen /
gros geschutz alda zuerlangen / welchs jm durch
die stat Bremen mit auffschickung etzlicher
knecht gewehret worden ist.

Folgendts ist er nach dem Land zu Lüneburg
gezogen / vnd hat da den armen leuten grossen
schaden gethan.

Darnach ist er in das erobert Braunschwei-
gisch Land gerückt / die Steinbruck belegert /
welche jm an grosse not auffgeben worden ist.

Nach Wolffenbutel ist er furdher gerückt / der
stat Braunschweig in iren Dörffern / gerichtten /
vnd Landwehren mit brand vnd nahm grossen
schaden gethan.

An viel stet / als Braunschweig / Danuber /
Minden / Bremen / Hamburg ꝛc. hat er geschrie-
ben / sich mit jm zuuertragen / vnd sich aus der
Schmalkaldischen bundnis (welche er ein Con-
spiration genant) zuthun / wo nicht / hat er sie
auff's hertest bedrawet.

Desgleichen hat er einen Churfürsten / etliche
Bischoff vnd Landschafften bedrawet / jm gelt
zugeben / auch etlich ermanet / jm verpflichte hul-
ffe zuthun / mit grosser bedrawung / wie das die
Brieffe vnd handlung allenthalben ausweisen.

Mittler zeit hat Graue Otto vom Rittberge /
A ij Mo

Ulhard von Dörd / Thies Schell / Johan
Stapler / Hertzog Henrichs Cantzler / Item /
sein Marschalck Dall / vnd Plato von Delmers-
ffen / noch bis in die acht hundert pferde (eins
teils sagen von einem tausent) vnd in die drey tau-
sent knecht / auß Hertzog Henrichs befehl / wie
das die bestellung vnd befehl ausweisen / nach
der Graffschafft Deckelnburg gefüret / vnd den
Grauen von Deckelnburg / als ein glied der Pro-
testierenden verstandnis angegriffen / gebrant /
die seinen gebrant schätzt / geplündert / vnd
feindlich gebaret.

Darnach ist solch hauff nach der Weser ge-
zogen / etlichen des Landgrauen lehenleuten
schaden zugefügt / auch dem Amptman / auff
dem haus zum Berge / welchs des Bisschoffs
zu Münster vnd Minden ist / ein brantschatzung
abgedrungen / vnd folgendis zu Hertzog Henri-
chen für Wolffenbutel komen / da Hertzog Hen-
rich mit beiden hauffen Wolffenbutel belegert /
vnd mitlerzeit das gantz land im huldigen las-
ssen / ausgescheiden Scheningen / welchs auch
besetzt gewesen.

Für Wolffenbutel hat er geschantzt / das
Wasser aus den Graben genomen / ein brucken
wollen machen / aber die in Wolffenbutel haben
sich ehrlich gehalten / kein Sprach mit den
Feinden zulassen wöllen / weidlich geschossen /
mit ausfallen den Feinden etliche nidder ge-
legt

legt vnd erstochen/das Wasser wider im Gra-
ben zudedempt/vnd hat Got der almechtig inen
regen gegeben/das viel Wassers komen / das
Dertzog Denrichs arbeit zu schanden gemacht

In des hat Landgraff Philips zu Hessen/
als Hauptman der Euangelischen verstendnis/
aus beselh des Churfürsten zu Sachsen vnd an-
dere seiner mitnerwandten / sich auffgemacht/
Desgleichen Dertzog Ernst zu Branuschweig
Dertzog Philipsen Son/von wegen des Chur-
fürsten zu Sachsen zc. Vnd ist der Landgrau
desmals bey Northeim ankomen/mit vngefer-
lich Sold vnd eignen Reuttern/sechzehen hun-
dert Pferden / vnd mit sieben tausent man sei-
nes Landuolcks/drey Fenlin Knechten/vnd drey
vnd zwentzig stuck Feldgeschutz/sampt zu gehö-
riger Munition.

Dertzog Ernst von Branuschweig ist an-
komen mit ein tausent Pferden / sechs tausent
Landuolcks/drithalb tausent Knechten / zwelff
stuck Feldgeschutz/vnd haben die beide Fürsten
also mit iren hauffen/ sich bey Northeim in ein
lager gelegt.

Es ist auch Dertzog Moritz zu Sachsen
auff sein eigenen koston / dem Churfürsten zu
Sachsen vnd Landgrauen zu Hessen zugezo-
gen/mit ein tausent Pferden / seer wol gerust/
vnd funffthalb tausent Knechten/vnd einen zim-
lichen feinen Feldgeschutz/vnd sich gelagert bey
Kaldshausen/welchs der Herrn von Pless ist.

Da nu

Da nu Hertzog Henrich von Braunschweig
solchs innen worden ist / ist er fur Wolffenbütel
auffgebrochen nach Bockelem gezogen / alda die
schatzung vom Land das er eingenomen auffge
haben / damit seine Knecht / die teglich von im lie
ffen / so viel möglich zu frieden gestelt / vnd sein
Kreuter besoldet / darnach ist Hertzog Henrich
fur gerückt / in Kalfelden ein Dorff am Bier
berg gelegen / welches ein grosse meil von des
Landgrauen leger gewesen.

In des haben sich bey dem Landgrauen vnd
Hertzog Moritzen allerley ansuchen / vmb vnter
handlung von wegen Hertzog Erichs von
Braunschweig nachgelassener Witwen / irem
Son Hertzog Erichen / Marggraff Hanssen /
den Hartzgrauen / als Stolberg / Schwartz
burg / Regenstein vnd andern / zugetragen.

Welche handlung der Landgrau vnd die
Sachssische Churfürstliche allwege abgeschla
gen / vnd angezeigt / das es bey inen nicht / son
dern bey den mituerwandten Stenden stunde
zuhandlen.

Vnder des ist Hertzog Moritz zu Sachsen
mit seinem hauffen getrückt / bis an die Land
wehr / zwischen Wien vnd Northeim.

Folgens zum Landgrauen / in sein leger mit
etzlichen Pferden geritten / sich mit im vnterrede
vnd angezetzt / was Hertzog Erichs Witwe /
vnd

vnd sein Schwager / der jung Dertzog Erich /
des gleichen Marggraff Hans bey im vnterhand
lung halben gesucht / vnd vleissig gebeten / das
der Landgraue im vnterhandlung gestatten woll
te / welchs aber der Landgraue / vnd die Sachs
sische befelhaber abgeschlagen / aus ursachen /
das er vnd sie solchs von dem Churfürsten zu
Sachsen vnd den mitnerwandten Stenden kei
nen befelß hetten / mit mehrer anzeige / wie das
die antworten ausweisen / vnd ist dis geschehen
auff den freitag den .xvi. tag Octobris vnd zum
teil Sonnabets den .xvii. Octobris.

Bemelts Sonnabets vmb zehen vhr / sein et
liche geschwader Reuter / vnd etliche lauffende
knecht des von Braunschweigs / vber den berg
Northheim hergezogen / sich sehen lassen / nahe
bey der Stat in den gerten / vber ein klein Wasser
gescharmutzelt / vnd als etlich klein geschutz in
sie gegangen / sind sie wider abgezogen. Wie nu
dieser lerm gewesen / da hat Dertzog Moritz sein
volck in des Landgrauen lager komen lassen wöl
len / als aber gesehen ward / das die Feind abge
zogen / ist Dertzog Moritzen kriegsvolck wi
der vber die Landwehr in sein lager gerückt. Des
selbigen abends / hat Dertzog Moritz widerumb
bey dem Landgrauen angehalten / vmb gütliche
vnterhandlung / welchs der Landgraue aber
mals abgeschlagen.

Da hat Dertzog Moritz begert / die weil er
Marggraff Hans / dem jungern Dertzog
Erichen /

Erichen / vnd das alten Hertzog Erichs nachgelassen Witwen / auch Hertzog Denrich geschrieben / er wolt in der sach handelen / das doch im etlich mittel angezeigt worden / so Hertzog Denrich die abschlag / so keme er Hertzog Moritz mit fugen aus der sach.

Wie nu darauff Hertzog Moritzen / etliche artikel als für sich selbst / vergönnet sein für zuschlagen / welch wol bedacht / das sie bey Hertzog Denrichen nicht zuerlangen weren / mit welchen artikeln sein Rat zu Hertzog Denrichen abgefertigt.

In des ist auff Sonntag den achtzehendem Octobris des morgens frü botschafft komen / das Hertzog Denrich mit allem seinem kriegsvolck auffbrech / vnd vber ein Wasser / die Leine genant zoge / den nechsten nach des Landgrauen lager / einen Berg dauon man in des Landgrauen lager hat hefftig schiessen mügen / vnd ein Kloster nicht weit dauon gelegen inzunemen / welchs Kloster aber der Landgrau / vnd die so im vom Churfürsten zu Sachsen zugeordnet waren / mit drey oder vierhundert schützen besetzt.

Als nu Hertzog Moritz dieses Hertzog Denrichs furnemen gesehen / ist er erzornet / vnd hat gesagt / thut der heillos Man das / vnd hat besohlen sein Volck auch vber das Wasser die Leine genant zufüren.

Der Landgrau vnd Hertzog Ernst von Braunschweig / haben ire Keiffige aller Cansgeschick

Scheiden drey geschwader Reuter auff bemelten
berg/desgleichen all jr Fußvolck ausgescheiden/
den einen hauffen Sachssichs Fußvolcks in aller
eil vber das Wasser ziehen lassen/aber die bemel-
ten drey schwader Reuter vnd den Sachssischen
hauffen Landvolcks/auch etlich geschutz im la-
ger gelassen/den selbigen zuerwaren.

Wie nu der Landgrane/ Dertzog Moritz
vnd Dertzog Ernst mit iren hauffen auff dem
Berg gehalten/hat sich da allerley scharmutzel
zutragen/wie in solchen scharmutzeln pflegt
zuzugehen/einmal hat der teil/ jenen abgedrungs-
gen/vnd das andermal der ander teil diesen.

Vnd ist ein böß vnfertig Wasser/zwischen
beiden teilen/ darüber nicht mehr denn zweene
furtte gewesen/da hat kein teil seinen vorteil vber
geben wollen/mit dem grossen vnd kleinen Feld
geschutz zu hauff geschossen / auff beiden teilen
gute Leute vnd viel Pferde beschedigt worden.

In des sein Dertzog Moritzen Räte Christo-
ffer von Ebleben / vnd Doctor Komerstat Kom-
men/ vnd Dertzog Moritzen ein anzeig gethan/
Darauff ist Dertzog Moritz zum Landgrauen
geritten/vnd jnen gebeten / das man sein Räte
hören wolt/ als hat der Landgrane die Sachssi-
schen Churfürsten Rat/ vnd sein eigene zum teil
zu sich gefordert/denn sonstet noch kein Kriegs-
rate der Christlichen verein / der zeit ankomen
waren.

B ij Da

Da hat Doctor Komerstat gesagt / wie Herzog Henrich sich hoch erbiere / das Herzog Moritz seins leibs vnd guts gewaltig / vnd das Herzog Henrich gesagt / er wolt nimer mehr gegen das Euangelium sein / vnd habe solchs drey hundert Edelmannen zugesagt / wie das Adrian von Steinberg vnd andere geredt / mit langer erzehlung / wie schiedlich das blut vergossen / in Deutscher Nation sey.

Darneben hat Herzog Moritz gebeten / das doch der Landgraff solchs bedencken / vnd sich schiedlich finden lassen wolt.

Auff solchs hat der Landgrane / vnd die andern abermaln gesagt / das sie handlung inzurennen nicht macht / vnd viel weniger etwas anzunehmen hetten.

Herzog Moritz vnd sein Rat haben aber nicht abgelassen.

Da ist nachgegeben / das Herzog Moritz in mige fürschlagen.

Der Religion halben. so das also were / wie er Herzog Henrich gesagt / das den solchs versichert würde / wie das der Artikel ausweist / vnd das Herzog Henrich sich mit seinem leib / in Herzog Moritzen hand gen Ehren stellen solt / Desgleichen solt das Land / auch in Herzog Moritzen hand gestellet werden / dero gestalt / das Herzog Moritz vmb kosten vnd schaden / auch in den irrungen so Herzog Henrich mit den Stetten Goslar vnd Braunschweig hat / mechtiglich in der gute sprechen solt / vnd
was

was Hertzog Moritz also spreche / dabey solts
endlich bleiben.

Doch ist hierbey geredt / das Hertzog Moritz diese Artikel / als fur sich vorschlug / bewilligte sie Hertzog Henrich denn / so solt es an den Churfürsten zu Sachsen / Landgrauen zu Hessen / die Kriegsrate der Christlichen verstendnis / vnd an Goslar vnd Braunschweig gelangen / was die würden bewilligen / darauff solt es stehen . Der Landgrau vnd Sachische wolten aber dieser artikel halb nichts bewilligt haben / sondern es solt stehen auff gefallen des Churfürsten der zweier Stet vnd der andern Kriegsrate etc.

Solchs haben Hertzog Moritzen Rat an Hertzog Henrichen bracht / sind widerkomen / vnd gesagt / das sie bey Hertzog Henrichen befinden / das sie der Artikel haben gute hoffnung haben / es köndte aber die sache alhie im feld / da man so ernstlich mit schiessen / vnd schammuszen handelte nicht ausgerichtet werden / Darumb (die weil auch die nacht da war) sey von ihnen ein anstand / vnd dachten / das ein anstand zu machen sey / die Sontags zunacht / vnd Wanstags den tag / bis es Abent würde.

Solchs hat der Landgrau / vnd seine mitverordnete zugelassen.

Dierneben hat Hertzog Henrich haben wollen / der Landgrau solt sich mitler zeit nicht stören / weils der Landgrau vnd die Sachische nicht bewilligen wolten / sondern gesagt /

Bij

er vnd sie wolten jr Volck bey sich haben / das
Hertzog Henrich sich so seer sterckte als er wol-
te / dergleichen wolt der Landgrau vnd sie auch
thun.

Doch letztlich ist es dahin gehandelt / das
Hertzog Henrich in sein lager zihen solt / welches
es ein grosse meil von dem Plats da der schar-
mutzel gehalten ware.

So solt der Landgrau in sein lager / wel-
ches ein halckennetlein schus da dannen war /
zihen / vnd sein zukomens Kriegsuoelck in zeit des
anstands auff ein meil vngeferlich zu im komen
lassen / welches also bewilligt vnd beredt / das
der anstand solt weren den Sonntag zu nacht /
vnd Montags den tag bis nacht wurde.

Montags den .xix. tag Octobris zu mora-
gen / hat Hertzog Moritz den Hertzog Henrich
in ein Kloster zu sich bescheiden / vnd allerley mit
im beredt / Es hat aber Hertzog Henrich die
artikel dauon auff berürtem Berg Hertzog Mo-
ritzen Räte dem Landgrauen gesagt / aller abge-
schlagen / vnd hat Hertzog Moritz ander arti-
kel von Hertzogen Henrichen bracht / die Ste-
ffan Schmit geschrieben / die den vor gen arti-
keln gantz vngleich / widerwertig / vnd diesen
Stenden in keinen weg annemlich / wie denn die
auch vorhanden vnd fürzulegen sein .

Vnd hat Hertzog Henrich wider Hertzog
Moritzen Räte gesagt / in dreien stunden sol
Ges

gesehen werden/ob der Landgraff/oder ich Hertzog Henrich/Herr der Welt sey/wie Hannibal zu dem Scipioni sagt.

Hierbey ist zu wissen/das Hertzog Henrich den bemelten Anstand nicht gehalten / sondern des Landgrauen Bawren auff der futterung vierzehen Wagen mit Pferden durch Jacoben von der Schulenburg vnd andere nemen/ vnd etliche Bawren tod schlagen lassen/welcher Pferd vnd Wagen der Landgraue noch auff diesen tag in mangel stehet.

Als nu der Landgraff vnd seine mitnerwandte solch bemelte vng rünte mittel des von Braunschweigs vernomen/hat er mit Rat vnd wissen Hertzog Ernsten von Braunschweigs vnd der andern Sachsischen Churfürstlichen Räte/amburtem Montag den handel gantz abgeschlagen/vnd Hertzog Moritzen seiner mühe bedancket.

Vnd ist der Anstand also am Montag ausgegangen/vnd alle handlung abgeschlagen worden.

Darbey istz blieben bis auff den Dienstag/da hat Hertzog Henrich selbst an Hertzog Moritzen geschrieben vnter andern diese wort / die weil Hertzog Moritzen schreiben der vnterhandlung halber etwas dunckel / so wolt er in sein Hertzog Moritzen bedencken gestellt haben / ob solch schrift/durch schrift oder zusammen kunfft der Räte/solt erlentert werden.

Das

In einer stund darnach / hat Alhard von
Dorde / Eberhart von der Recke / Johan Stop
peler vnd Alheim Kiebe an Dertzog Moritzen
Rat geschrieben / sie hetten bey inen dafur / das
zu Schleuniger erortterung geplogener hand
lung solt dienlich sein / das sie die Räte beider
seids sich widerumb zusamen verfügeten / vnd
darauff nach aller notturfft / beredt hetten.

Welchs aber der Landgraue beneben den
Sachssischen Churfürstlichen / aus statlichen
beweglichen vrsachen / abgeschlagen.

Vnd hat Dertzog Moritz seines verwar
nungs brieff ime Dertzog Denrichen hernach
zu geschickt.

Berichts Dienstags in der nacht etwan vmb
zwelff vhr / da die wache ab vnd anzugehen
pfllegt / ist die losung gewesen / das iderman solt
auff sein / vnd hat der Landgraue ein brucken in
der nacht vber das Wasser die Kuni genant /
machen lassen.

Ist mit Dertzog Moritzen / Dertzog Ern
ken / vnd den andern auffgewesen / ein fürzug
mit acht fenlin Reuttern / leichtem geschutz / vnd
allen Landsknechten geordnet / welcher Lands
knecht waren / Nemlich / des Churfürsten zu
Sachsen / drey tausent / Dertzog Moritzen
funffthalb tausent / vnd des Landgrauen reich
lich in die vier tausent / vnd hat diesen zugeben
Conrad

Conraden von Danstein Feldmarschalck / Geor-
gen Wachtmeistern vnd andere.

Geich darauff ist der Landgrane / Hertzog
Moritz zu Sachsen / vnd Hertzog Ernst von
Braunschweig / mit den andern hauffen gezo-
gen.

Durch ein gewaltige Landwehr in der nacht
haben lassen.

Vnd ist der vorzug mit dem tage an einer
Landwehre / die einem Schlangen schus weit
auff einer höhe / bey Hertzog Henrichen lager
gewesen / ankomen.

Die selbig mit ein tausent Schützen besetzt /
vnd mit den andern hauffen hinder der Land-
wehre halten blieben.

In des ist des Landgrauen / Hertzog Mori-
tzen vnd Hertzog Ernst / anderer Keisiger zeng
auch da ankomen.

Da nu Hertzog Henrich gesehen / das die
Landwehr vnd höhen ingenomen waren / hat
er drey Fenlin Reuter / vnd etliche leuffer / lassen
das Feld heraner ziehen / in meinung dem Land-
grauen die Landwehr vnd vorteil wider zuneh-
men.

Wie nu der Landgrane solches gesehen / hat
er drey Fenlin Reuter durch die Landwehre schi-
cken wollen / den Braunschweigischen zu begege-
nen. Wie aber das erst Fenlin durch die Land-
wehre gerückt / sind die Braunschweigischen so

C cilends

eilends da gewesen / das das erst Fenlin nicht
halb hindurch gemöcht.

Ist also ein harter scharmutzel gewesen / auff
beiden seitten Leut vnd Geul / wund vnd tod blie
ben / vnd das halb Fenlin Reuter wider zu ruck
durch die Landwehr gedrungen / da jnen die an
dern Reuter nicht zu hulff mügen komen / denn
es in der Landwehr nur ein kleine lücken / oder
farweg gehabt.

Zustund hat der Landgraue sein Feldges
schutz eilends bracht / in die Braunschweigis
schen geschossen vnd sie bald abgetrieben.

Da ist nu ein weil gehalten worden / den
Feind wol besichtigt / vnd beratschlagt worden
was zuthun sey / mitler zeit sind viel lücken durch
die Landwehr gehawen vnd gereumet worden /
vnd ist durch den Landgrauen / Dertzog Moris
tzen / Dertzog ernsten / Conraden von Hans
stein Feldmarschaick / vnd andere Churfürstis
sche / Wilhelmen von Schachten / vnd andere
Kriegsuerstendige ein Rat funden / mit Reutern /
Knechten / allem volck / vnd dem geschutz durch
die Landwehr zuziehen.

Demnach hat der Landgraue etlich Reuter
vnd hauffen landknecht hindurch / drey grosser
schlangen / vnd etlich Falckunen in das Feld ges
füret / vnd in die Feinde gehen lassen.

Bald

Bald haben sich des von Braunschweigs
Knecht zurück nach einem Berg an einem gehölz
gelegen/allgemach begeben, vnd haben sich sei-
ne Weiße Reuter auff den weg zurück gemacht.

Wie nu Hertzog Henrich gesehen/das das
geschutz in sein Kriegsvolck gegangen/vnd des
Landgrauen/ Hertzog Moritzen/vnd Hertzog
Ergsten hauffen / allgemach durch die Land-
wehr gezogen/ hat vnser Herrgott dem Feind
Hertzog Henrichen vnd seinem volck also ein
schrecken gemacht / vnd solche zagheit in sie
bracht/das hertzog Henrich hat einen Trum-
per lassen schicken/welcher von wegen Dilmars
von Münchhausen an hertzog Moritzen begert.

Da ist Hertzog Moritz zum Landgrauen
komen vnd gefragt/ob er inen Dilmarn hören
solt.

Darauff der Landgrau gesagt/er stelts in
hertzog Moritzen gefallen.

Als hat hertzog Moritz Dilmarn gehöret/
ist widerkomen vnd gesagt/sie begeren sprich/
vnd den Landgrauen gebeten/das er wolt gnad
in die sach wenden.

Wat der Landgrau geantwort er köndt kein
antwort geben / er habe denn zuvor alles sein
volck durch die Landwehr.

Als nu das Kriegsvolck alles durch die
C ij Land-

Landwehr komen/hat der Landgraue solchs
geordnet neben einander/ vnd das Geschutz an
allen orten in die Feind gehen lassen.

In des ist Hilmar von Münchhausen/selbst
samt Fridrichen Spetten/auff zugesagten glau
ben zu dem Landgrauen komen.

Da hat der Landgraue wider Münchhaus
sen gesagt.

Kurtzumb/ich wil Dertzog Henrichen vnd
sein Son/in meine hand vnd keines andern ha
ben/wollen sie das thun/wol vnd gut/wo nicht
so wil ich sie mit ernst angreifen / vnd machts
kurtz ec.

Darauff sein sie hin geritten.

In des ist Dertzog Moritz komen/ vnd ge
sagt wider den Landgrauen/ E. E. Volck ist nu
aller durch die Landwehr/ E. E. geben mir doch
ein gut antwort.

Darauff der Landgraue gesagt/ich wil den
Vater vnd Son in mein hand haben/wo sie das
nicht bald thun/ wil ich schlagen .

Vnd darauff ist Dertzog Moritz hingerit
ten/vnd selbst mit Dertzog Henrichen geredt.

Vnder des ist das Geschutz gleich seer in
sie/die Feind gangen/vnd mit allen hauffen an
sie

ſie bis in funffhundert ſchrit / vnd noch mehr
gerueck.

Da hat der Landgraue zu Hertzog Moritz
den Feldmarſchalck / Curt von Danſtein ge-
ſchickt / vnd im ſagen laſſen / er beſorg / ſie wer-
den Hertzog Henrichen danou bringen / er kōnd
te nicht ſtill halten ꝛc. hat Hertzog Moritz wi-
der laſſen ſagen / man muſ je ſo lang warten /
bis das er mit Hertzog Henrichen reden kōndt.

Aber darunter iſt der Landgraue dem Feind
jmer genaher gerueck.

Das Hertzog Moritz auch zu im geſchickt
vnd gebeten ſtill zuhalten / denn Hertzog Hen-
rich vnd ſein Son ſich ergeben wolten. Da ſagt
der Landgraue ich wil nicht ſchlagen / wil ſie
aber auch nicht von mir kōmen laſſen.

Gibt ſich Hertzog Henrich vnd ſein Son
in mein hand / wol vnd gut / wo nicht / ſo wil
ich furthawen.

In dem iſt Hertzog Moritz kōmen / vnd
geſagt / das Hertzog Henrich hab geſchrien /
wie ein Kind / wolt kōmen ſampt ſeinem Son /
ſich ergeben / vnd hat den Landgrauen gebeten /
ſich gegen Hertzog Henrichen mit worten
freundlich zuhalten / Darauff der Landgraue
geſagt / Er wolt jnen Fürſtlich halten.

C ij Vnd

Vnd ist also Hertzog Henrich sampt seinem
Son Carolo Victori komen / vnd haben sich in
des Landgrauen hand ergeben / vnd hat der
Landgraue wider Hertzog Henrichen gesagt /
Wenn du meiner so gewaltig werest als ich deis
ner / so würdest du mich nicht leben lassen / Ich
wil mich aber besser gegen dir halten / denn du
vmb mich verdienet hast.

Vnd weiter gesagt / Was hastu dich gezie
hen / das du der Keiserlichen Maiestat nicht ge
horsamet / vnd die Sequestration nicht angeno
men hast / denn hettestu solchs gethan / so hettes
stu dich selbst nicht in diesen last bracht / vnd we
re vieler armer Leute schade vnd verderben ver
hütet vnd vermitten blieben.

Demnach hat der Landgraue so bald etliche
en vom Adel / als Derman von der Malsburg
Sigmunden von Beineberg / Wolff Threisichen
vnd andern befohlen / Hertzog Henrichen vnd
seinen Son zuuerwaren.

Vnd nach dem sich zugetragen / das das
kriegsvolck zu Ros vnd Fus auff des Landgra
uen seitten / zu Hertzog Henrichs leuten gedrun
gen / hat der Landgraue eigener person / gerant /
vnd gebotten dem kriegsvolck still zustehen / wel
ches mühe vnd arbeit gebraucht / den sein kriegs
volck so hart in Hertzog Henrichs volck gedrun
gen / das zubeforgen / es were ein böß handel
Daraus

daraus worden / vnd mag Hertzog Henrichs
volck erstlich Gott / vnd darnach Hertzog Mor-
ritzen zu Sachsen wol dancken / denn sonst were
der mehrten teil erschlagen worden.

Da nu er der Landgraue wider komen / hat
er gewolt das Hertzog Henrichs kriegsvolck
solt zusagen / in dreien Monaten nicht wider die
se Stend der Christlichen vorein zuthun.

Es sind aber die Reutter (da sie gesehen / das
der Landgraue sein volck hat wollen sich lagern
lassen) hinweg gezogen.

Als nu der Landgraue das gesehen / hat er
wider Hertzog Moritzen gesagt / er kondts ges-
gen seinen mituerwandten Stenden / nicht vers-
antworten / das solch kriegsvolck also abziehen /
den hauffen bey einander behalten / vnd irgents
wider ein garden machen solt . Vnd hat dem-
nach alle sein hauffen wider anziehen lassen.

Da ist Hertzog Moritz komen vnd gesagt /
er wolt mit Hertzog Henrichs volck handeln /
das sie solten mit Kotten hinweg ziehen / die Fen-
lin abthun / vnd zusagen / in dreien Monaten
nicht wider die Stend der Euangelischen vor-
ein zuthun / mit bitt / der Landgraue vnd die and-
ern wolten still halten / vnd nicht weiters ges-
gen inen handeln / bis so lang sein bottschaft an
sie vnd wider von inen gelangen möcht.

Vnd

Vnd thet hierauff Hertzog Moritz einen ge-
nant Adrian von Steinberg / an die Reutter vnd
Knecht schicken / der inen sagt / sie solten zu dem
Landgrauen drey personen senden / die in sol-
che dinge von wegen des gantzen hauffen zu-
sagten zc. Als der Landgrau mit sampt den
Sachssischen in etliche Stunde / vnd bis in die
nacht warten / da kam niemands / des gleichen
kam auch des Nachts niemands / da lies der
Landgrau Hertzog Moritzen durch Sieg-
mund von Heineburg sagen / die weil sie nicht
kemen / so kondt ers nicht verantworten / diese
Leute mit dem hauffen also abziehen zulassen /
denn sie sich wie bemelt / widerumb versamlen /
vnd vnrug anfahen würden.

Vnd war der Landgrau / Hertzog Ernst
vnd die andern demnach des morgens auff / et-
wo vmb zwo vhr / vnd als er ins feld kam /
schickte er Christoffern von Steinberg / Wilhel-
men von Schachten vnd andere vorhin / den
Reuttern vnd Knechten zusagen / das sie nach-
malen die fenlin abreißen vnd gelubdte / wie er-
zelt / thun / dieselbigen betraten etliche fenlin
Knecht / die thetten die gelubdte / vñ rissen die fen-
lin ab / solchen Knechten geschach nicht weiters.

Wie nu der Landgraff seinen Reuttern wolt
nach ziehen / verstit es in der nacht / vnd wuste
nicht ob seine Reutter zur rechten oder zur linck-
en seitten waren / kam vngeferlich auff acht fen-
lein

ein Knecht vnd zwey geschwader Reutter / schickte zu jnen drey Edelmänner / einen nach dem andern / als nemlich / Jörgen Wachtmeistern / Bartolden von Wintzingenrode / vnd Conrad Bocken / mit beger die Reutter vnd Knecht solten die Fenlein abreißen vnd schweren / wie ob laut / wider jnen vnd die verstandnis in drey Monaten nicht zuthun.

Als aber die Knecht vnd Reutter sahen / das der Landgraue nicht vber funffzig oder sechzig Pferde bey sich im ersten hatte / denn sein andere Reutter noch nicht bey jm waren / da meinten sie er were nicht stercker / vnd were auch vielleicht nicht selbst da / vnd thaten sich die Reutter zu den Knechten / namen einen stand / machten ein schlacht ordnung / vnd erzeigten sich / als ob sie dem Landgrauen mit ernst begegennen wolten / vnd wie die Knecht sagten / so solten die Reutter jnen befohlen haben / ein schlacht ordnung zumachen.

Als nu des Landgrauen Reutter / ein geschwader nach dem andern daher zogen / denen die Knecht folgeten / hat er den Feinden zugesetzt / vñ der Reutter eins teils was er der ereilet dahin bracht / das sie jm ein feld gefengnis gelobt / sich auff Martini gen Cassel zustellen / darunter Alhart von Dorde / als oberste Feldherr etliche Herrn von Benern / vnd andere etliche vom Adel gewesen.

Die Knecht thetten widerumb nach jrem
D vor

vorteil trachten / vnd zogen iner zu dahin / in
irem vorteil / an den Bergen vnd gehölzten / so
lang bis sie kamen in ein frey Feld / da vmbbrin-
gen sie die Sachssischen vnd Landgrauischen
Reutter / vnd brachten sie dahin / das sie die Fen-
lein abriffen / vnd dem Landgrauen schweren
müsten in sechs Monaten wider inen / vnd seine
einung verwandten nicht zuthun.

Vnd müsten auch als bald / das Feldgeschutz
welches Hertzog Denrich gehabt / vnd bis in
achtzehen stuck gewesen / von sich geben.

Folgendts hat der Landgrau vor Steinbrüg
geschickt / vnd das auffgefordert / welch sich er-
geben.

Demnach hat er das Braunschweigisch
land Wolffenbutelsch teils wider eingenomen /
vnd es huldigen lassen.

Vnd nach dem Graue Johan von der
Schaumburg dem von Braunschweig ange-
hangen / im geschutz geliben / vnd andere befor-
derung gethan / vnd also wider den gemeinen
Landfrieden / jüngsten Speirischen vñ Wrombi-
schen / Keiserliche vnd Reichs Abscheid / auch
wider die offene General vnd special Mandat /
welch Keiserlich Maiestat von wegen der Ses-
questration / so die Protestierenden irer Maies-
stat des eroberten Braunschweigischen lands
halben / damal zu ehren bewilligt etc. gehandelt
vnd gethan / zu dem das er des Landgrauen

zu Dessen/ verpflichtet vnd gelobdter Lebens
man ist/ vnd vn Betrachtet/ seiner Lebens pflicht
dem von Braunschweig wie erzelet / zu bemel-
tem seinem Landfriedbrüchigen fürnemen befor-
derung vnd hulff erzeigt.

So hat der Landgrawe den kopff mit seinem
Eriegsvolck nach der herrschafft Schaumburg
gewendet/ in des sein Graue Johans brüdere/
vnd jr Landschafft zugefahren das Schlos Bo-
ckenburg/ eingenomen / zum Landgrauen ge-
schickt/ vnd fleissig gebeten/ er wolt gnad in die
sach wenden. Also ist dahin komen/ das Gra-
ue Johan/ des haus Bockenburg abgetretten/
vnd hat es den andern seinen Brüdern Ritters-
schafft vnd Landschafft zugestelt/ welche Cau-
tion vnd versicherung von sich gegeben / inen
darzu nicht widerkomen zulassen / er habe sich
denn zuvor dieser verwirkung halber/ mit dem
Landgrauen vnd seinen mitnerwandten Sten-
den vertragen.

Weiter nach dem befunden/ das Graue De-
to von Kitzberg gleicherley gestalt / vnd etwas
weiter/ dem von Braunschweig angehangen/
im geschutz geliben / dem Grauen von Deckeln-
burg als ein mittglied der Euangelischen vorein-
helffen vberziehen/brennen/ brandschatzen/ mit
sein selbst leib/ Dertzog Henrichen zugezogen/
gedienet / andere mehr beforderung gethan/
vnd also wider berürten gemeinen Landfrie-
den/ Speirischen vnd Wormbischen Abscheid/

D ij Specis

Special vnd General Mandat / so Keiserlich
Majestat der Sequestration halben gegeben / ge
handlet gefrenelt vnd gethan.

Zu dem das Grauen Otten voreltern die
gantze Graffschafft Kitberg / bis in neuntzig jar
vom haus zu Dessen / zu Lehen getragen / vers
standen vnd trewlich vermanet / vnd sich vers
schrieben / das der Landgrane im haus Kitberg
solt offnung haben / vnd wo sie dem Landgra
uen zu Dessen / mit ehren nicht helffen kōndten /
so wolten sie doch nicht wider sie sein / auch er
Graue Otto selbst die Lehen von Landgrauen
Philipsen zu Dessen empfangen / welchs alles er
aber vergeslich hingestellt / vnd seine Lehen
pflicht nicht bedacht. Sondern wider den Land
grauen gedienet / vnd sich wider des eigene pers
on / im Feld brauchen lassen.

So ist der Landgrane / mit rat der Christa
lichen verstendnis / Kriegsrat mit Reutern vnd
Knechten / vnd dem statlichen groben vnd kleinen
Feldgeschütz / so er gehabt / fur den Kitberg ge
zogen / vnd ein trefflich grob geschütz / Barthau
nen / Notschlangen / Mörset / Pöler / mit iren not
wendigen Munition hernacher bringen lassen /
vnd es dahin bracht / das die Neubt vnd Bes
felhs leut auch die gemeine Knecht / so im Kitt
berg gelegen / im den Landgrauen / als dem Le
henherrn / vnd dem Grauen von der Lipp / als
der Grauen vom Kitberg / nahe gefreundt das
haus

Hans Nitberg zu gestelt vnd abgetretten/ inhalts
der abrede/ welch in schriffen klerlich verfast/
vnd die gewesen inhaber/ solchs Haus dauon
ein versigelt Original bey sich haben.

Als nu dieses durch schickung des almeche-
tigen/ dafur im billich zudancken/ also verrichtet
vnd beschehen ist/ hat der Landgraue Keutern/
vnd knechten abdanken/ sie beurlauben/ vñ von
wegen seiner vnd seiner mituerwandten Stend
Fürstlich vnd wol bezalen lassen.

Actum im jar des Herrn tausent funff
hundert/ funff viertzig.

Gedruckt zu Witten-
berg/ durch Nickel
Schirlentz.

Handwritten text in a Gothic script, appearing as bleed-through from the reverse side of the page.

Handwritten text in a Gothic script, appearing as bleed-through from the reverse side of the page.

Handwritten text in a Gothic script, appearing as bleed-through from the reverse side of the page.

Handwritten text in a Gothic script, appearing as bleed-through from the reverse side of the page.

Handwritten text in a Gothic script, appearing as bleed-through from the reverse side of the page.



OK 2003

KV

nc



Pon Vc 2003, QK


ULB Halle

003 255 476

3







B.I.G.

Farbkarte #13

2 Bk. 22 (13)

V c
2003

Warhafftige erze-
lung der Beschicht / was sich
Hertzog Henrich von Braunschweigs / vnd
seiner anhangenden Gesellschaft halben / dieses
gegenwertigen Jars zugetragen / daraus zuse-
hen vnd zuspüren ist / wie Gott der Allmechtige
furnemlich / in dieser sacht gewaltet / vnd Hertzog
Henrichen von Braunschweig vnd seinem Krie-
gesuolck jr hertz vnd gemüt genommen / vnd
dem Landgrauen vnd seinen mit
uerwandten Sieg gege-
ben hat.



MDXLVI

Di.

